

# ТРОПАРИ, КОНДАКИ, МОЛИТВЫ И ВЕЛИЧАНИЯ ИЗБРАННЫЕ

по алфавиту

(Даты указаны по старому и новому стилю.)

## ОГЛАВЛЕНИЕ

Господу Богу и Спасу нашему Иисусу Христу:	3
Начало Индикта. Церковное новолетие	3
Нерукотворенного Образа Господа Иисуса Христа	3
Обрезание Господне	4
Пресвятой Владычице нашей Богородице и Приснодеве Марии:	5
Пред Владимирской иконой	5
Пред иконой «Всех скорбящих Радость»	5
Пред иконой «Державная»	6
Пред иконой «Живоносный источник»	6
Пред иконой «Знамение»	7
Пред Иверской иконой	7
Пред Казанской иконой	8
Покров Пресвятой Богородицы	8
Пред Почаевской иконой	9
Пред иконой «Скоропослушница»	9
Пред Смоленской иконой	10
Пред иконой «Утоли моя печали»	10
Святым угодникам Божиим:	11
Святому благоверному князю Александру Невскому	11
Преподобному Амвросию Оптинскому	12
Апостолу Андрею Первозванному	12
Святителям Василию Великому, Григорию Богослову и Иоанну Златоустому	13
Святому равноапостольному князю Владимиру	13
Всем святым	14
Всем святым, в земли Российской просиявшим	14
Великомученику Георгию Победоносцу	15

Пророку Божию Или	15
Апостолу и евангелисту Иоанну Богослову	16
Пророку, Предтече и Крестителю Господню Иоанну:	16
Рождество Иоанна Предтечи	16
Усекновение главы Иоанна Предтечи	17
Святому праведному Иоанну Кронштадтскому	17
Святым равноапостольным Константину и Елене	18
Святой блаженной Ксении Петербургской	18
Святым равноапостольным Мефодию и Кириллу	19
Собор Архистратига Михаила и прочих Небесных Сил бесплотных	19
Воспоминание чуда Архистратига Михаила в Хонех	20
Святителю Николаю, архиепископу Мир Ликийских	20
Святым царственным страстотерпцам	21
Собору новомучеников и исповедников Российских	22
Священномученику Российскому	23
Святой равноапостольной княгине Ольге	24
Великомученику и целителю Пантелеимону	24
Святым первоверховным апостолам Петру и Павлу	25
Святителям Московским	25
Преподобному Серафиму Саровскому	26
Преподобному Сергию Радонежскому	27

## Господу Богу и Спасу нашему Иисусу Христу

### Начало Индикта. Церковное новолетие

1/14 сентября.

Тропарь, глас 2-й

Всея твѣри Содѣтелю, / временѧ и лѣта во Своѣй влѣсти положивый, / благослові венѣц лѣта благасти Твоея, Господи, / сохраняя в мѣре люди и град Твой, // молитвами Богородицы, и спаси ны.

Кондак, глас 2-й

В Вышних живый, Христѣ Царю, / всех видимых и невидимых Творче и Зиждителю, / Иже дни и нощи, временѧ и лѣта сотворивый, / благослові ныне венѣц лѣта, / соблюди и сохрани в мѣре град и люди Твоя, // Многомилостиве.

### Нерукотворенного Образа Господа Иисуса Христа

16/29 августа.

Тропарь, глас 2-й

Пречистому Твоему образу поклоняемся, Благий, / просяще прощения прегрешений наших, Христѣ Бже: / волею бо благоволил еси плотию взыти на Крест, / да избавиши яже создал еси от работы вражия. / Тем благодарственно вопиѣм Ти: / радости исполнил еси вся, Спасе наш, // пришедый спасти мир.

Кондак, глас 2-й

Неизреченнаго и Божественнаго Твоего к человеку смотрения, / неописанное Слово Отчее, / и образ неписанный, и богописанный победителен, / ведуще неложнаго Твоего воплощения, // почитаем того лобызающе.

Величание

Величаем Тя, / Живодавче Христѣ, / и почитаем пречистаго лица Твоего // преславное воображение.

Другое величание

Величаем Тя, / Живодавче Христѣ, / и чтим образ Твой святой, / имже нас спасл еси // от работы вражия.

**Обрезание Господне****1/14 января.****Тропарь, глас 1-й**

**На** Престо́ле огнезра́чнем / в Вы́шних седа́й со Отце́м Безнача́льным  
и Божество́нным Твои́м Ду́хом, / благоволи́л еси́ роди́тися на земли́ /  
от Отрокови́цы Неискусому́жнныя Твоея́ Ма́тере, Иису́се: / сего́ ра́ди  
и обре́зан был еси́, я́ко челове́к осмодне́вный. / Сла́ва всеблагóму Твоему́  
сове́ту, / сла́ва смотре́нию Твоему́, // сла́ва снизхоже́нию Твоему́, еди́не Че-  
ловеколю́бче.

**Кондак, глас 3-й**

**Всех** Госпо́дь обре́зание терпи́т, / и челове́ческая прегреше́ния я́ко Благ  
обре́зует, / дае́т спасе́ние днесь ми́ру. / Ра́дуется же в Вы́шних и Созда́телей  
иера́рх // и светоно́сный божество́нный тайнник Христо́в Васи́лий.

**Величание**

**Велича́ем** Тя, / Живода́вче Христе́, / и почита́ем пречи́стыя плóти  
Твоея́ // за́конное обре́зание.

Пресвятой Владычице нашей Богородице  
и Приснодеве Марии

Величание

Достойно есть величати Тя, Богородице, честнейшую Херувим,  
и славнейшую без сравнения Серафим.

Величание Божией Матери во все праздники в честь Ее икон

Величаем Тя, / Пресвятая Дево, / Богоизбранная Отроковице, / и чтим  
образ Твой святый, / имже точиши исцеления // всем с верою притекающим.

Пред Владимирской иконой Божией Матери

21 мая / 3 июня, 23 июня / 6 июля и 26 августа / 8 сентября.

Тропарь, глас 4-й

Днесь светло красуется славнейший град Москва, / яко зарю солнечную  
восприемши, Владычице, чудотворную Твою икону, / к нейже ныне мы  
притекающе, / и молящися Тебе, зываем сие: / о пречудная Владычице Бо-  
городице! / молися из Тебе воплощенному Христу Богу нашему, / да избавит  
град сей, / и вся грады и страны христианския невредимы от всех навет  
вражиих, // и спасет души наша, яко Милосерд.

Кондак, глас 8-й

Взбранной Воеводе победительная, / яко избавльшися от злых  
пришествием Твоего честного образа, / Владычице Богородице, / светло  
сотворяем празднество сретения Твоего, / и обычно зовем Ти: // радуйся,  
Невесто Невестная.

Пред иконой Божией Матери «Всех скорбящих Радость»

24 октября / 6 ноября.

Тропарь, глас 4-й

К Богородице прилежно ныне притецем, / грешнии и смиреннии, /  
и припадём, в покаянии зовуще из глубины души: / Владычице, помози, на  
ны милосердовавши, / потщися, погибам от множества прегрешений, /  
не отврати Твоя рабы тщи: // Тя бо и едину надежду имамы.

Другой тропарь, глас 4-й

Не умолчим никогда, Богородице, / силы Твоя глаголати недостойнии: /  
аще бо Ты не бы предстояла молящи, / кто бы нас избавил от толиких бед, /  
кто же бы сохранил донныне свободны? / Не отступим, Владычице,  
от Тебе: // Твоя бо рабы спасаеши присно от всяких лютых.

**Стихира, глас 2-й,****которая поется на молебне вместо тропаря**

Всех скорбящих Радосте, / и обидимых Заступнице, / и алчущих  
Питательнице, / странных утешение, / обуреваемых пристанище, / больных  
посещение, / немощных покрове и Заступнице, / жезле старости, / Мати  
Бога Вышняго Ты еси, Пречистая: // потщися, молимся, спастися рабом  
Твоим.

**Кондак, глас 6-й**

Не имамы инья помощи, / не имамы инья надежды, / разве Тебе, Вла-  
дычице: / Ты нам помози, / на Тебе надеемся, / и Тобою хвалимся: // Твой  
бо есмь раби, да не постыдимся.

**Пред иконой Божией Матери «Державная»****2/15 марта.****Тропарь, глас 4-й**

Града Сионска взыскающе, / под Твой покров, Дево Чистая, днесь  
притекаем, / и никтоже возможет на ны, / яко несть град силен, аще не  
Сущаго Бога, // и несть ина крепость, аще не милость Владычицы Девы.

**Кондак, глас 8-й**

Взбранной Воеводе победительныя песни приносим, / яко даровася нам  
держава Твоя, / и ничесоже устрашимся, / не от мира бо спасение наше, /  
но превознесенная Владычицы милосердием ограждаемся, / и тому днесь  
радуемся, / яко прииде Заступница // на стражу земли Своея.

**Величание**

Величаем Тя, / Пресвятая Дево, / Богоизбранная Отроковице, / и чтим  
Державный образ святыни Твоея, / имже подаеши велию милость // всем  
с верою к нему притекающим.

**Пред иконой Божией Матери «Живоносный источник»****в пятницу Светлой седмицы.****Тропарь, глас 4-й**

Почерпем, человецы, / цельбы душам и телесем молитвою: / Река бо  
всем предтечет, / Пречистая Царица Богородица, / источающи нам чудную  
воду, / и измывающи сердце чёрности, / греховныя струпы очищающи, /  
души же освящающи верных // Божественною благодатию.

Другой тропарь, глас 4-й

Днесь притецём, вёрнии, / к Божественному и цельбонóсному образу Пресвятыя Богородицы, / излиявшия капли Своих излияний, / и людем вёрным чудеса показавшия, / яже мы видяще и слышаще, / духовно празднуем, и любезно вопиём: / исцели наши недуги и страсти, / якоже и каркинския и тмочисленныя страсти исцелила еси. / Темже молим Тя, Дево Пречистая: / моли воплощеннаго из Тебе Христа Бога нашего // спастися душам нашим.

Кондак, глас 8-й

От неистоимыя Ты Источниче Богоблагодатный, подаеши ми, / точащи воды Твоея благодати, приснотекущий паче слова: / яко бо Слово рождающая паче смысла, / молю Ти ся, ороси мя благодатию, / да зову Ти: // радуйся, Водо спасительная.

Пред иконой Божией Матери «Знамение»

27 ноября / 10 декабря.

Тропарь, глас 4-й

Яко неборимую стену / и источник чудес / стяжавше Тя раби Твои, Богородице Пречистая, / сопротивных ополчения низлагаем. / Темже молим Тя: / мир граду Твоему даруй, // и душам нашим велию милость.

Кондак, глас 4-й

Честнаго образа Твоего знамение / празднующе людие Твои, Богородительнице, / имже дивную победу на сопротивныя граду Твоему даровала еси. / Темже Тебе верою взываем: // радуйся, Дево, христиан похвало.

Пред Иверской иконой Божией Матери

12/25 февраля, 13/26 октября и во вторник Светлой седмицы.

Тропарь, глас 1-й

От святыя иконы Твоея, / о Владычице Богородице, / исцеления и цельбы подаются обильно, / с верою и любовью приходящим к ней: / тако и мою немощь посети, / и душу мою помилуй, Благая, // и тело исцели благодатию Твоею, Пречистая.

## Кондак, глас 8-й

Аще и в море ввержена бысть святая икона Твоя, Богородице, / от вдовицы, не могущия спасти сию от врагов, / но явилася есть Хранительница Афона / и Вратарница обители Иверския, / враги устрашающая, / и в Православней Россійстей странѣ // чтущия Тя от всех бед и напастей избавляющая.

## Пред Казанской иконой Божией Матери

8/21 июля и 22 октября / 4 ноября.

## Тропарь, глас 4-й

Заступнице усердная, / Мати Господа Вышняго, / за всех молиши Сына Твоего, Христа Бога нашего, / и всем твориши спастися, в державный Твой покров прибегающим. / Всех нас заступи, о Госпоже, Царице и Владычице, / иже в напастех, и скорбех, и в болезнях, обремененных грехи многими, / предстоящих и молящихся Тебе умиленною душею, и сокрушенным сердцем, / пред Пречистым Твоим образом со слезами, / и невозвратно надежду имущих на Тя, / избавления всех зол. / Всем полезная даруй, / и вся спаси, Богородице Дево: // Ты бо еси Божественный покров рабам Твоим.

## Кондак, глас 8-й

Притецем, людие, к тихому сему и доброму пристанищу, / скорой Помощнице, готовому и теплomu спасению, покрову Девы. / Ускорим на молитву, и потщимся на покаяние: / источает бо нам неоскудная милости Пречистая Богородица, / предваряет на помощь, и избавляет от великих бед и зол // благонравныя и богобоящияся рабы Своя.

## Покров Пресвятой Богородицы

1/14 октября.

## Тропарь, глас 4-й

Днесь, благовернии людие, светло празднуем, / осеняеми Твоим, Богоматри, пришествием, / и к Твоему взирающе пречистому образу, умильно глаголем: / покрый нас честным Твоим Покровом, / и избави нас от всякаго зла, / молящи Сына Твоего, Христа Бога нашего, // спасти души наша.

Кондак, глас 3-й

Дѣва днесь предстоит в цѣркви, / и с лики святыхъ невидимо за ны молился  
Богу, / Ангели со архиереи покланяются, / апостоли же со пророки  
ликовствуют: // нас бо ради молит Богородица Превѣчнаго Бога.

Величание

Величаем Тя, / Пресвятая Дѣво, / и чтим Покров Твой святый, / Тя бо  
виде святый Андрей на воздусе, // за ны Христу молящуюся.

Пред Почаевской иконой Божией Матери

23 июля / 1 августа.

Тропарь, глас 5-й

Пред святою Твоею иконою, Владычице, / молящиеся исцелений  
сподобляются, / веры истинныя познание приемлют, / и агарянская  
нашествия отражают. / Темже и нам, к Тебе припадающим, / грехов  
оставление испроси, / помыслы благочестия сердца наша просвети, / и к Сы-  
ну Твоему молитву вознеси // о спасении душ наших.

Кондак, глас 1-й

Источник исцелений и веры православныя утверждение / Почаевская  
Твоя икона, Богородице, явися, / темже и нас, к ней притекающих, / от бед  
и искушений свободи, / лавру Твою невредиму сохрани, / Православие  
во окрест стоящих странах утверди, / и грехи разреши молитвенник  
Твоих: // елика бо хощеши, можеша.

Величание

Величаем Тя, / Пресвятая Дѣво, / и почитаем честную икону Твою, /  
юже от лет древних // на горе Почаевстей прославила еси.

Пред иконой Божией Матери «Скоропослушница»

9/22 ноября.

Тропарь, глас 4:

К Богородице притецем, сущии в бедах, / и ко святей иконе Ея ныне  
припадем, / с верою зовуще из глубины души: / скоро наше услыши моление,  
Дѣво, яко Скоропослушница нарекшаяся. // Тебе бо раби Твои в нуждах  
готовую Помощницу имамы.

**Конда́к, глас 8:**

**В** мо́ри житей́стем обурева́емии, / треволне́нию подпада́ем страстей́  
и искуше́ний. / Подáждь у́бо нам, Госпоже́, ру́ку по́мощи, / якоже Петро́ви  
Сын Твой, / и ускори́ от бед изба́вити ны, да зове́м Ти: // ра́дуйся, всеблага́я  
Скоропослу́шнице.

**Пред Смоленской иконой Божией Матери****28 июля / 10 августа.****Тропарь, глас 4-й**

**К** Богоро́дице приле́жно ны́не притеце́м, / грешни́и и смире́ннии, /  
и припаде́м, в пока́нии зову́ще из глубины́ душ: / Влады́чице, помози́, на  
ны́ милосе́рдовавши, / потщи́ся, погиба́ем от мно́жества прегреше́ний, /  
не отврати́ Твоя́ рабы́ тщи: // Тя бо и еди́ну наде́жду има́мы.

**Кондак, глас 6-й**

**Не** има́мы ины́я по́мощи, / не има́мы ины́я наде́жды, / разве Тебе́, Вла-  
ды́чице: / Ты нам помози́, / на Тебе́ наде́мся, / и Тобо́ю хва́лимся: // Твой  
бо есмь ра́б, да не постыди́мся.

**Пред иконой Божией Матери «Утоли моя печали»****25 января / 7 февраля.****Тропарь, глас 5-й**

**Утоли́** боле́зни / многовозды́хающия души́ моея́, / утоли́вшая вся́ку слезу́  
от лица́ земли́: / Ты́ бо челове́ком боле́зни отго́ниши, / и грешных ско́рби  
разруша́еши, / Тебе́ бо вси стяжа́хом наде́жду и утвержде́ние, // Пресвята́я  
Ма́ти Де́во.

**Кондак, глас 6-й**

**Не** ввэри́ мя челове́ческому предста́тельству, Пресвята́я Влады́чице, /  
но приими́ моле́ние раба́ Твоего́: / скорбь бо обдержи́т мя, / терпе́ти не могу́  
де́монскаго стреля́ния, / покро́ва не има́м, / ниже́ где прибе́гну, окаянны́й,  
всегда́ побежда́емь, / и утеше́ния не има́м, разве Тебе́, Влады́чице ми́ра, /  
упова́ние и предста́тельство ве́рных: / не презри́ моле́ние моё, // полэ́зно  
сотвори́.

## Святым угодникам Божиим

Святому благоверному князю Александру Невскому

30 августа / 12 сентября и 23 ноября / 6 декабря.

Тропарь, глас 4-й

Яко благочестиваго корене / пречестная отрасль был еси, блаженне Александре: / яви бо тя Христос, / яко некое божественное сокровище Российстей земли, / новаго чудотворца, / преславна и богоприятна. / И днесь сошедшеся в память твою / верою и любовию, / во псалмех и пениих, радуящися, славим Господа, / давшего тебе благодать исцелений, / Егоже моли спасти град сей, / и стране нашей богоугодней быти, // и сыновом Российским спастися.

Другой тропарь, глас 4-й

Познай свою бранию, российский Иосифе, / не в Египте, но на Небеси царствующий, / благоверный княже Александре, / и прими моления их, / умножая жита людем плодородием земли твоея, / грады владычества твоего ограждая молением, // и православным христианом на сопротивныя поборствуя.

Кондак, глас 8-й

Яко звезду ты пресветлу почитаем, / от востока возсиявшую и на запад пришедшую: / всю бо страну сию чудесы и добротой обогащаеши, / и просвещаеши верою чтущия память твою, Александре блаженне. / Сего ради днесь празднуем твое успение, / людие твои сущии: / моли спасти Отечество твое, / и вся притекающия к раце мощей твоих, / и верно вопиющия ти: // радуйся, граду нашему утверждение.

Другой кондак, глас 4-й

Якоже сродницы твои Борис и Глеб / явися тебе с Небес в помощь, / подвижающемуся на Велгера Свейскаго и воев его, / тако и ты ныне, / блаженне Александре, / прииди в помощь твоим сродником, // и побори борющия ны.

Величание

Величаем тя, / святой благоверный княже Александре, / и чтим святую память твою, / ты бо молиши о нас // Христа Бога нашего.

## Преподобному Амвросию Оптинскому

10/23 октября и 27 июня / 10 июля.

Тропарь, глас 5-й

Яко к целёбному истóчнику, / притека́ем к тебе́, Амвро́сие о́тче наш, / ты́ бо на путь спасе́ния нас ве́рно наставля́еши, / моли́твами от бед и напа́стей охраня́еши, / в телесных и душе́вных ско́рбех утеша́еши, / па́че же смире́нию, терпе́нию и любви́ науча́еши: / моли́ Человеколю́бца Христа́ / и Засту́пницу усердную // спасти́ся душа́м на́шим.

Кондак, глас 2-й

Заве́т Пастыренача́льника испо́лнив, / ста́рчества благода́ть насле́довал еси́, / боле́зную се́рдцем о всех, с ве́рою притека́ющих к тебе́. / Темже и мы, ча́да тво́я, / с любóвию вопие́м ти: / о́тче святы́й Амвро́сие, / моли́ Христа́ Бо́га // спасти́ся душа́м на́шим.

Величание

Ублажа́ем тя, / преподо́бне о́тче Амвро́сие, / и чтим святу́ю па́мять твою́, / наста́вниче мона́хов, // и собесе́дниче А́нгелов.

## Апостолу Андрею Первозванному

30 ноября / 13 декабря.

Тропарь, глас 4-й

Яко апо́столов перво́званный, / и верхо́внаго су́щий брат, / Влады́це всех, Андре́е, моли́ся, / мир вселе́нней дарова́ти, // и душа́м на́шим ве́лию ми́лость.

Кондак, глас 2-й

Му́жества тезоимени́таго богоглаго́льника, / и Це́ркве возсле́дователя верхо́внаго, / Петро́ва сродника́ восхва́лим, / зане́ якоже дре́вле сему́, / и ны́не нам воззва́: // прииди́те, обрето́хом Же́лаемаго.

Величание

Велича́ем тя, / апо́столу Христо́в Андре́е, / и чтим боле́зни и труды́ тво́я, / и́миже труды́лся еси́ // во благове́стии Христо́ве.

Святителям Василию Великому, Григорию Богослову  
и Иоанну Златоустому

30 января / 12 февраля.

Тропарь, глас 4-й

Яко апóстолов единонравнии, / и вселенныя учителие, / Владыку всех  
моли́те, / мир вселенней даровати, // и душам нашим велию милость.

Кондак, глас 2-й

Священныя и боговещанныя проповедники, / верх учителей, Господи, /  
приял еси в наслаждение благих Твоих и упокоение: / труды бо оных и смерть  
приял еси паче всякаго всеплодия, // Еди́не прославляя́ святы́я Твоя́.

Величание

Велича́ем вас, / святители Христо́вы Васи́лие, Григо́рие и Иоа́нне, /  
и чтим святую́ па́мять ва́шу, / вѣ́ бо мо́лите о нас // Христа́ Бо́га на́шего.

Святому равноапостольному князю Владимиру

15/28 июля.

Тропарь, глас 4-й

Уподобился еси купцу́, ищущему добра́го бисера, / славнодержавный Вла-  
дими́ре, / на высотѣ столá сидя́ матери градѣ, / богоспаса́емаго Кіева: /  
испытую́ же и посылая́ к Царскому граду́ / увѣдети правосла́вную ве́ру, /  
обрѣл еси́ безценный бисер, Христа́, / избравшаго тя́ яко втора́го Па́вла, /  
и оттрясшаго слепоту́ во святей купели, / душе́вную, вкúпе и телесную: /  
те́мже пра́зднуем твоѣ́ успѣ́ние лю́дие твоѣ́ сущѣ. / Моли́ спастися держа́вы  
твоея́ Росси́йскаго нача́льником // и мно́жеству владѣ́мых.

Кондак, глас 8-й

Подобствовав вели́кому апóстолу Па́влу, / в седми́нах, всесла́вне Влади́-  
ми́ре, / вся,́ яко младе́нческая, мудрова́ния, яже о́ идолахъ тщи́ания, оста́вь, /  
яко́ муж соверше́нный, / украси́лся еси́ божественнаго крещѣ́ния  
багряни́цею: / и ны́не Спа́су Христу́ в весе́лии предсто́я, / моли́ спастися  
держа́вы Росси́йскаго нача́льником // и мно́жеству владѣ́мых.

Величание

Велича́ем тя, / святы́й равноапостольный кня́же Влади́мире, / и чтим свя-  
тую́ па́мять твою́, / идо́лы попра́вшаго, // и всю Росси́йскую зе́млю святы́м  
крещѣ́нием просвети́вшаго.

**Всем святым:****первое воскресенье после праздника Пятидесятницы****Тропарь, глас 4-й**

**И**же во всем міре мученик твоих, / яко багрянницею и вѣссом, / кровью Цѣрковь Твоя украсившия, / теми вопиет Ти, Христѣ Божѣ: / людем Твоим щедроты Твоя низпосли, / мир жителству Твоему даруй, // и душам нашим велию милость.

**Кондак, глас 8-й**

**Я**ко начатки естества Насадителю твари, / вселенная приносит Ти, Господи, богоносных мученики; / тех молитвами в мире глубоче // Цѣрковь Твою, жителство Твое, Богородицею соблюди, Многомилостиве.

**Величание**

**В**еличаем вас, / апостоли, мученицы, пророцы, и вси святѣи, / и чтим святую память вашу, / вы бо молитѣ о нас // Христа Бога нашего.

**Всем святым, в земли Российской просиявшим:****второе воскресенье после праздника Пятидесятницы****Тропарь, глас 8-й**

**Я**коже плод красный Твоего спасительнаго сеянна, / земля Россійская приносит Ти, Господи, вся святѣя, в той просиявшия. / Тех молитвами в мире глубоче // Цѣрковь и страну нашу Богородицею соблюди, Многомилостиве.

**Другой тропарь, глас 4-й:**

**И**ерусалима вышняго гражданы, / от земли нашей возсиявшия, / и Богу во всяцем чинѣ и всяким подвигом угодившия, / приидите воспойм, вернии: / о всеблаженнии земли Россійския заступницы, / молитѣся ко Господу, / да помилует сию от гнева Своего, / исцеляя сокрушение ея, // и верныя люди Своя утешит.

**Кондак, глас 3-й**

**Д**несь лик святѣих, в земли нашей Богу угодивших, / предстоит в Цѣркви и невидимо за ны молится Богу; / Ангели с ним славословят, / и вси святѣи Цѣркве Христовы ему спразднуют: // о нас бо молят вси купно Превечнаго Бога.

**Величание**

**У**блажаем вас, / чудотворцы наши славнои, / землю Русскую добродетельми вашими озарившии, / и образ спасения нам // светоявлено показавшии.

Великомученику Георгию Победоносцу

23 апреля / 6 мая.

Тропарь, глас 4-й

Яко плённых свободитель, / и нищих защититель, / немощствующим  
врач, / православных поборниче, / победоносче великомучениче Георгие, /  
моли Христа Бога // спастися душам нашим.

Кондак, глас 4-й

Возделан от Бога, / показался еси благочестия делатель честнейший, /  
добродетелей рукояти собрав себе: / сеяв бо в слезах, веселием жнѣши, /  
страдальчествовав же кровию, Христа приял еси, / и молитвами, святе,  
твоими // всем подаеши прегрешений прощение.

Величание

Величаем тя, / страстотерпче святый, великомучениче Георгие, / и чтим  
честная страдания твоя, // яже за Христа претерпел еси.

Пророку Божию Илии

20 июля / 2 августа.

Тропарь, глас 4-й

Во плоти Ангел, / пророков основание, / вторый предтеча пришествия  
Христова, Илия славный, / свыше пославый Елиссееви благодать / недуги  
отгоняти / и прокаженные очищать: // темже и почитающим его точит  
исцеления.

Кондак, глас 2-й

Пророче и провидче великих дел Бога нашего, / Илие великоимените, /  
вещанием твоим уставивый водоточные облаки, // моли о нас единого Чело-  
веколюбца.

Величание

Величаем тя, / святый славный пророче Божий Илие, / и чтим еже  
на Небеса / на колеснице огненной // преславное восхождение твоё.

## Апостолу и евангелисту Иоанну Богослову

26 сентября / 9 октября и 8/21 мая.

Тропарь, глас 2-й

Апостоле Христу́ Бо́гу возлюбленне, / ускори́ избáвити лю́ди безотвѣтны: / приѣмлет ты припада́юща И́же па́дша на пѣрси Приѣмый. / Егóже моли́, Богослове, / и належа́щую мглу язы́ков разгна́ти, // прося́ нам ми́ра и вѣлия ми́лости.

Кондак, глас 2-й

Вели́чия тво́я, дѣвственниче, кто пове́сть? / Точиши бо чудеса́, и излива́еши исцелѣния, / и мо́лишися о душа́х на́ших, // я́ко Богослѡв и друг Христѡв.

Величание

Велича́ем тя, / апостоле Христѡв и евангели́сте Иоáнне Богослове, / и чтим болѣзни и труды́ тво́я, / и́миже трудился еси́ // во благовѣстии Хри-сто́ве.

## Святому пророку, Предтече и Крестителю Господню Иоанну

## Рождество Иоанна Предтечи

24 июня / 7 июля.

Тропарь, глас 4-й

Проро́че и Предте́че прише́ствия Христо́ва, / досто́йно восхва́лити ты недоуме́ем мы, любóвию чту́щии тя: / непло́дство бо ро́ждшия и óтчее безгласие разреши́ся / сла́вным и честны́м тво́им рождество́м, // и воплоще́ние Сы́на Бо́жия ми́рови проповѣдуется.

Кондак, глас 3-й

Пре́жде непло́ды днесь Христо́ва Предте́чу ражда́ет, / и той есть исполне́ние всякаго проро́чества: / Егóже бо проро́цы проповѣдаша, / на Сего́ во Иорда́не рúку положи́в, / явися́ Бо́жия Сло́ва проро́к, // проповѣдник, вку́пе и Предте́ча.

Величание

Велича́ем тя, / Предте́че Спа́сов Иоáнне, / и чтим е́же от непло́дове // пресла́вное рождество́ твоё.

Усекновение главы Иоанна Предтечи

29 августа / 11 сентября.

Тропарь, глас 2-й

Па́мьять пра́веднаго с похва́лами, / тебѣ же довлѣет свидѣтельство Господне, Предтече: / показáл бо ся еси́ вои́стинну и проро́ков честнѣйши́й, / я́ко и в стру́ях крестíti сподóбился еси́ Проповѣданнаго. / Темже за и́стину пострада́в ра́дуясь, / благовести́л еси́ и сущим во а́де Бо́га, являшагося плóтию, / вземлющаго грех мíра, // и подающаго нам вѣлию мíлость.

Кондак, глас 5-й

Предтечево сла́вное усекнове́ние / смотре́ние бысть не́кое Божество́нное: / да и сущим во а́де Спа́сово проповѣсть пришѣствие. / Да рыда́ет у́бо Ироді́я, / беззако́нное убійство испроси́вши: / не зако́н бо Бо́жий, ни живы́й век возлю́би, // но притво́рный, привре́менный.

Величание

Велича́ем тя, / Крестите́лю Спа́сов Иоáнне, / и почита́ем вси честны́я твоея́ главы́ // усекнове́ние.

Святому праведному Иоанну Кронштадтскому

20 декабря / 2 января.

Тропарь, глас 1-й

Правосла́вныя вѣры побóрнице, / земли́ Росси́йскаго печáльнице, / па́стырем пра́вило и о́бразе вѣрным, / пока́янія и жи́зни во Христе́ проповѣднице, / Божество́нных Таин благоговѣ́йный служи́телю, / и дерзнове́нный о лю́дех моли́твеннице, / о́тче пра́ведный Иоáнне, / целите́лю и предивный чудотво́рче, / гра́ду Кроншта́дту похвало́, / и Цѣрке́внáшея украше́ние: / моли́ всеблага́го Бо́га // уми́рити мир, и спасти́ ду́ши нáша.

Кондак, глас 3-й

Днесь па́стырь Кроншта́дтский предсто́ит Престо́лу Бо́жию, / и усер́дно мо́лит о вѣрных Христа́ Па́стыреначáльника, / обетова́ние да́вшаго: / сози́жду Цѣрковь Мою́, // и врата́ а́дова не одоле́ют ей.

Величание

Велича́ем тя, / святы́й пра́ведный о́тче Иоáнне, / и чтим святу́ю па́мьять твою́, / ты́ бо мо́лиши о нас // Христа́ Бо́га нáшего.

**Святым равноапостольным Константину и Елене****21 мая / 3 июня.****Тропарь, глас 8-й**

**Крестá** Твоегó образ на небесí вíдев, / и я́коже Пáвел, зва́ние не от челове́к приём, / в ца́рех апóстол Твой, Го́споди, / Ца́рствующий град в руцэ́ Твоей положи́, / егóже спаса́й всегда́ в ми́ре, // моли́твами Богоро́дицы, еди́не Человеколю́бче.

**Кондак, глас 3-й**

**Константи́н** днесь с ма́терию Еле́ною / Крест явля́ют, всечестно́е Дре́во, / всех у́бо иудеев посрамле́ние су́ще, / ору́жие же на противны́я ве́рных люде́й: / нас бо ра́ди яви́ся зна́мение ве́лие, // и во бранéх гро́зное.

**Величание**

**Велича́ем** вас, / святы́и благове́рнии и равноапóстольнии ца́рие Константи́не и Еле́но, / и чтим святу́ю па́мять ва́шу, / вы́ бо святы́м Крестóм // всю вселённую просвети́ли естé.

**Святой блаженной Ксении Петербургской****24 января / 6 февраля.****Тропарь, глас 7-й**

**Нищету́** Христо́ву возлюбíвши, / безсме́ртныя трапéзы ны́не наслажда́ешься, / безу́мием мнй́мым безу́мие ми́ра обличíвши, / смире́нием крестным си́лу Бо́жию восприя́ла еси́, / сего́ ра́ди дар чудодо́йственныя по́мощи стяжавшая, / Ксэ́ние блаже́нная, / моли́ Христа́ Бо́га // изба́виться нам от вся́каго зла покая́нием.

**Конда́к, глас 3-й**

**Днесь** све́тло лику́ет град свята́го Петра́, / я́ко мно́жество скорбя́щих обрета́ют утешéние, / на тво́я моли́твы наде́ющиеся, / Ксэ́ние всеблаже́нная, // ты́ бо еси́ граду́ сему́ похвалá и утвержде́ние.

**Величание**

**Велича́ем** тя, / свята́я блаже́нная ма́ти Ксэ́ние, / и чтим святу́ю па́мять твою́, / ты́ бо мо́лиши о нас // Христа́ Бо́га на́шего.

Святым равноапостольным Мефодию и Кириллу,  
первоучителям Словенским

11/24 мая.

Тропарь, глас 4-й

Яко апостолом единокравнии, / и словенских стран учителя, / Кирилле  
и Мефодие богомудрии, / Владыку всех молитесь, / вся языки словенския  
утвердiti в Православии и единомыслии, / умирити мир, // и спасти души  
наша.

Кондак, глас 3-й

Священную двоицу просветителей наших почитим, / Божественных писан-  
ий предложением источник Богопознания нам источивших, / из негоже даже  
до днесь неоскудно почерпающе, / ублажаем вас, Кирилле и Мефодие, /  
Престолу Вышняго предстоящих, // и тепле молящихся о душах наших.

Величание

Величаем вас, / святii равноапостольнии Мефодие и Кирилле, / вся  
словенския страны учеными своими просветившия, // и ко Христу  
приведшия.

Собор Архистратига Михаила и прочих Небесных Сил бесплотных

8/21 ноября.

Тропарь, глас 4-й

Небесных воинств Архистратиги, / молим вас присно мы недостойнии, /  
да вашими молитвами оградите нас / кровом крил невестественных ваша  
славы, / сохраняюще ны припадающих прилежно, и вопиющих: / от бед  
избавите ны, // яко чиновательницы Вышних Сил.

Кондак, глас 2-й

Архистратиги Божии, / служителие Божественных славы, / Ангелов  
начальницы, и человеков наставницы, / полезное нам просите, и велию ми-  
лость, // яко Безплотных Архистратиги.

Величание

Величаем вас, / Архангели и Ангели, и вся Воинства, / Херувими  
и Серафими, // славыща Господа.

## Другое величание

Велича́ем вас, / Арха́нгели, А́нгели, / Нача́ла, Вла́сти, Престо́ли, Гос-  
по́дствия, / Си́лы и Херув́ими, стра́шныя Сераф́ими, // прославля́ющия Гос-  
пода.

## Воспоминание чуда Архистратига Михаила в Хонех

6/19 сентября.

Тропарь, глас 4-й

Небе́сных во́инств Архистрати́же, / мо́лим тя при́сно мы недосто́йнии, /  
да твои́ми моли́твами огради́ши нас / кро́вом крил неве́щественныя твоея́  
сла́вы, / сохраня́я нас припада́ющих приле́жно, и вопи́ющих: / от бед изба́ви  
нас, // я́ко чинонача́льник Вы́шних Сил.

Кондак, глас 2-й

Архистрати́же Бо́жий, / служи́телю Божество́нныя сла́вы, / А́нгелов  
нача́льниче, и челове́ков наста́вниче, / поле́зное нам проси́, и ве́лию ми́-  
лость, // я́ко Безплóтных Архистрати́г.

## Святителю Николаю, архиепископу Мир Ликийских

6/19 декабря и 9/22 мая.

Тропарь, глас 4-й

Пра́вило ве́ры и о́браз кро́тости, / воздержáния учи́теля, / яви́ ты ста́ду  
твоemú / Я́же веще́й Истина; / сего́ ра́ди стяжа́л еси́ смире́нием высóкая, /  
нището́ю богáтая, / о́тче священнонача́льниче Никóлае, / моли́ Христа́ Бо́-  
га // спасти́ся душа́м на́шим.

Кондак, глас 3-й

В Ми́рех, свя́те, священноде́йствитель показа́лся еси́: / Христо́во бо, пре-  
подóбне, ева́нгелие испо́лнил, / положи́л еси́ ду́шу твою́ о лю́дех твои́х, /  
и спасл еси́ непови́нныя от сме́рти, / сего́ ра́ди освяти́лся еси́, // я́ко вели́кий  
тайнник Бо́жия благода́ти.

Молитва

О́ всесвяты́й Никóлае, уго́дниче преизря́дный Госпо́день, те́плый наш  
засту́пниче, и везде́ в ско́рбех ско́рый помо́щниче! Помози́ мне, грешно́му  
и уны́лому, в настоя́щем сем жити́и, умоли́ Господа́ Бо́га дарова́ти ми  
оставле́ние всех мои́х грехо́в, ели́ко согреши́х от ю́ности моея́, во всем жити́и  
моём, де́лом, сло́вом, помышле́нием и все́ми мои́ми чу́вствы; и во исхо́де души́  
моея́ помози́ ми окая́нному, умоли́ Господа́ Бо́га, всея́ тва́ри Содо́теля,

избавити мя воздушных мытарств и вѣчнаго мучѣнія, да всегда прославляю Отца, и Сына, и Святаго Духа, и твоѣ мѣлостивное предстательство, ныне и присно, и во веки веков. **Аминь.**

#### Величание

Величаем тя, / святителю отче наш Николае, / и чтим святую память твою, / ты бо молиши о нас // Христа Бога нашего.

#### Святым царственным страстотерпцам

4/17 июля.

#### Тропарь, глас 4-й

Днесь, благовѣрнии людие, свѣтло почтим / седмерицу честную царственных страстотерпец, / Христова едину домашнюю Церковь: / Николая и Александра, / Алексія, Ольгу, Татиану, Марию и Анастасию. / Тыи бо уз и страданій многоразличных не убоявшеся, / от богоборных смерть и поругание телес прияша, / и дерзновение ко Господу в молитве улучиша. / Сего ради к ним с любовью возопиим: / о святїи страстотерпцы, / гласу покаяния и стенанию народа нашего вонмите, / землю Россійскую в любви к Православию утвердите, / от междоусобныя брани сохраните, / мир мїрови у Бога испросите, // и душам нашим велию мѣлость.

#### Кондак, глас 8-й

Избранныи Царем царствующих и Господем господствующих / от рода царей Россійских, благовѣрнии мученицы, / муки душевныя и смерть телесную за Христа приймшии, / и венцы Небесными увенчавшиися, / к вам яко покровителем нашим мѣлостивым / с любовью благодарне вопиим: / радуйтесь, царственнии страстотерпцы, // за Русь Святую пред Богом усерднии молитвенницы.

#### Величание

Величаем вас, / святїи царственнии страстотерпцы, / и чтим честная страдания ваша, // яже за Христа претерпели есте.

**Собору новомучеников и исповедников Российских**

**25 января / 7 февраля, если воскресенье,  
или в ближайшее воскресенье после 25 января.**

**Тропарь, глас 4-й**

Днесь радостно ликует Церковь Русская, / прославляюще новомученики и исповедники своя: / святители и иереи, / царственные страстотерпцы, / благоверныя князи и княгини, / преподобныя мужи и жены, / и вся православныя христианы, / во дни гонения безбожнаго / жизнь свою за веру во Христа положившия, / и кровью истину соблюдшия. / Тех предстательством, долготерпеливе Господи, / страну нашу в Православии сохрани // до скончания века.

**Кондак, глас 3-й**

Днесь новомученицы Российскойсти / в ризах белых предстоят Агнцу Божию, / и со Ангелы песнь победную воспевают Богу: / благословение, и слава, и премудрость, / и хвала, и честь, и сила, и крепость // нашему Богу во веки веков. **Аминь.**

**Молитва**

О святые новомученицы и исповедницы Российскойсти: святителие и пастырие Церкви Христовы, царственные страстотерпцы, благоверные князие и княгини, доблестные воины, монахи и мирские, благочестивые мужие и жены, во всяком возрасте и сословии за Христа пострадавшие, верность Ему даже до смерти свидетельствовавшие, и венец жизни от Него приемшии! Вы во дни гонения лютого, землю нашу от безбожных постигшаго, на судищах, в заточениях, и пропастях земных, в горьких работах, и всяких скорбных обстояниях, образ терпения и непостыдного упования мужественно явили есте. Ныне же в рай сладости наслаждающиеся, пред Престолом Божиим во славе предстояте, и присно хвалу и ходатайство со Ангелы и всеми святыми Троицному Богу возносите. Сего ради мы недостойные молим вас, святые сродницы наши: не забудьте земного Отечества вашего, грехом Каинова братоубийства, поруганием святынь, безбожием, и нашими беззакониями отягченного. Умолите Господа Сил, да утвердит Церковь свою непоколебиму в мире сем многмятежном и лукавом; да возродит в земли нашей дух разума и благочестия, дух святости и страха Божия, дух братолюбия и мира; да паки будем мы царское священство, род Божий, избранный и святой, присно с вами славыщий Отца, и Сына, и Святого Духа, во веки веков. **Аминь.**

## Величание

Велича́ем вас, / святы́и новомученицы и испове́дницы Росси́йстии, / и чтим честна́я страда́ния ва́ша, // я́же за Христа́ претерпе́ли естé.

## Священномученику Росси́йскому, архиерею или иерею

## Тропарь, глас 3-й

Цѣркве Ру́сская стóлпе непоколебимый, / благоче́стия пра́вило, / жити́я ева́нгельскаго о́бразе, / священномучениче (*имя*), / Христа́ ра́ди пострада́вый да́же до кро́ве, / Егóже моли́ усердно / я́ко Нача́льника и Соверши́теля спасéния, / Русь Святу́ю утверди́ти в Правосла́вии // до сконча́ния ве́ка.

## Кондак, глас 2-й

Восхва́лим, ве́рнии, / изря́днаго во святите́лех (*или: священни́цах*), / и сла́внаго в мучени́цах (*имя*), / Правосла́вия побóрника и благоче́стия ревни́теля, / земли́ Ру́сская красное прозябéние: / я́же страда́нием Небесé дости́же, / и та́мо те́пле мо́лит Христа́ Бо́га // спасти́ся душа́м на́шим.

## Молитва

О избра́нниче и уго́днике Христóв, священномучениче (*имя*), Цѣркве Ру́сская стóлпе непоколебимый, земли́ на́шея благо́е прозябéние и красны́й плод, сродни́ков твои́х предста́телю и наста́вниче! Ты во вре́мя гонéния безбо́жнаго, от сокрови́щницы души́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Егó о́вцы полага́я, и лю́тыя во́лки далéче отгоня́я. Ны́не у́бо при́зри на нас, недостóйных чад твои́х, умилéнною душе́ю и сокруше́нным се́рдцем ты призыва́ющих. Умоли́ Го́спода Бо́га, да прости́т согреше́ния на́ша, и изба́вит от а́довых уз и ве́чнаго мучéния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церкóвныя. Буди́ па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утешитель, гонимым заступник, ю́ным наста́вник, всем же благосе́рдый оте́ц и те́плый моли́твеник: я́ко да моли́твами твои́ми соблюде́тся в Правосла́вии Свята́я Русь, и непреста́нно сла́вится в ней и́мя Пресвяты́я Тро́ицы, Отца́ и Сы́на и Свята́го Ду́ха, во ве́ки веко́в. Ами́нь.

## Величание

Велича́ем тя, / святы́й священномучениче (*имя*), / и чтим честна́я страда́ния твоя́, / я́же за Христа́ во утвержде́ние на Руси́ Правосла́вия // претерпе́л еси́.

## Святой равноапостольной княгине Ольге

11/24 июля.

Тропарь, глас 1-й

Крилами богоразумия вперивши твой ум, / возлетела еси превыше  
видимья твари; / взыскавши Бога и Творца всяческих, и Того обретши, /  
паки рождение крещением прияла еси; / древа животного наслаждающихся,  
нетленна во веки пребываеши, // Ольго приснославная.

Кондак, глас 4-й

Воспоём днесь Благодетеля всех Бога, / прославльшаго в России Ольгу  
богомудрую, // да молитвами ея подаст душам нашим грехов оставление.

Величание

Величаем тя, / блаженная и равноапостольная княгине Ольго, / и чтим  
святую память твою, / идолы поправшую, // и многия люди Российския свя-  
тым Крещением просветившую.

## Великомученику и целителю Пантелеимону

27 июля / 9 августа.

Тропарь, глас 3-й

Стратотерпче святый и целбниче Пантелеимоне, / моли Милостиваго  
Бога, / да прегрешений оставление // подаст душам нашим.

Кондак, глас 5-й

Подражатель сый Милостиваго, / и исцелений благодать от Него  
прием, / стратотерпче и мучениче Христа Бога, / молитвами твоими  
душевные наша недуги исцели, / отгоня присно борца соблазны от вопиющих  
верно: // спаси ны, Господи.

Молитва

О великий угодниче Христов, стратотерпче и врачу многомилостивый  
Пантелеимоне! Умилосердися надо мною, грешным рабом, услыши стенание  
и вопль мой, умилостиви Небеснаго Верховнаго Врача душ и телес наших,  
Христа Бога нашего, да дарует ми исцеление от недуга, мя гнетущаго.  
Прими недостойное моление грешнейшаго паче всех человек, посети мя бла-  
годатным посещением; не возгнушайся греховных язв моих, помажи их елеем  
милости твоея, и исцели мя: да здрав сый душею и телом, остаток дней моих,  
благодатию Божиею, возмогу провести в покаянии и угождении Богу,  
и сподоблюся воспринять благий конец жития моего. Ей, угодниче Божий!

Умоли́ Христа́ Бо́га, да предста́тельством твои́м да́рует здра́вие те́лу моему́,  
и спасе́ние ду́ш моёй. **Ами́нь.**

**Величание**

**Велича́ем** тя, / **страстоте́рпче** святы́й и **целѣбниче** **Пантелеймоне**, / и **чтим**  
**честна́я** **страда́ния** **твоя́**, // **я́же** за **Христа́** **претерпе́л** **еси́**.

**Святым первоверховным апостолам Петру и Павлу**

**29 июня / 12 июля.**

**Тропарь, глас 4-й**

**Апо́столов** **первопресто́льницы**, / и **вселѣнныя** **учите́лие**, / **Влады́ку** **всех**  
**мо́лите**, / **мир** **вселѣнней** **дарова́ти**, // и **душа́м** **на́шим** **вѣлию** **ми́лость**.

**Кондак, глас 2-й**

**Твёрдыя** и **боговеща́нныя** **проповѣдатели**, / **верх** **апо́столов** **Твои́х**, **Госпо́-**  
**ди**, / **прия́л** **еси́** в **наслажде́ние** **благих** **Твои́х** и **поко́й**: / **болѣзни** **бо** **о́них**  
и **смерть** **прия́л** **еси́** **па́че** **всякаго** **всепло́дия**, // **Еди́не** **свѣды́й** **сердѣчная**.

**Величание**

**Велича́ем** **вас**, / **апо́столи** **Христо́вы** **Петре** и **Па́вле**, / **весь** **мир** **уче́ньми**  
**свои́ми** **просвети́вшия**, // и **вся** **концы́** **ко** **Христу́** **привѣдшия**.

**Святителям Московским Петру, Алексию, Ионе, Макарию, Филиппу, Иову,  
Ермогену, Тихону, Петру, Филарету, Иннокентию и Макарию**

**5/18 октября.**

**Тропарь, глас 4-й**

**Первопресто́льницы** **Росси́йстии**, / **исти́ннии** **храните́лие** **апо́стольских**  
**преданий**, / **столпы́** **непоколебимии**, **Правосла́вия** **наста́вницы**, / **святители**  
**Моско́встии**, / **Влады́ку** **всех** **мо́лите**, / **мир** **вселѣнней** **дарова́ти**, // и **душа́м**  
**на́шим** **вѣлию** **ми́лость**.

**Кондак, глас 3-й**

**Во** **святите́лех** **благоче́стно** **пожи́сте**, / и **лю́ди** **к** **богоразу́мию**  
**наста́viste**, / и **до́бре** **Бо́гу** **угодите́**, / **сего́** **ради** **от** **Него́** **нетлѣнием** и **чудесы́**  
**просла́vistесея**, // **я́ко** **ученицы́** **Бо́жия** **благода́ти**.

**Величание**

**Велича́ем** **вас**, / **святители** **Моско́встии**, / и **чтим** **святу́ю** **па́мять** **ва́шу**, /  
**вы́** **бо** **мо́лите** **о** **нас** // **Христа́** **Бо́га** **на́шего**.

**Преподобному Серафиму Саровскому****2/15 января и 19 июля / 1 августа.****Тропарь, глас 4-й**

От юности Христа возлюбил еси, блаженне, / и Тому Единому работати пламенне вожделев, / непрестанною молитвою и трудом в пустыни подвижался еси, / умиленным же сердцем любовь Христову стяжав, / избранник возлюблен Божия Матере явился еси. / Сего ради вопием ти: // спасай нас молитвами твоими, Серафиме, преподобне отче наш.

**Кондак, глас 2-й**

Мира красоту и яже в нем тленная оставив, преподобне, / в Саровскую обитель вселился еси, / и тамо ангельски пожив, многим путь был еси ко спасению: / сего ради и Христос тебе, отче Серафиме, прослави, / и даром исцелений и чудес обогати. / Темже вопием ти: // радуйся, Серафиме, преподобне отче наш.

**Молитва**

О пречудный отче Серафиме, великий Саровский чудотворче, всем прибегающим к тебе скоропослушный помощник! Во дни земного жития твоего никтоже от тебе тощ и неутешен отиде, но всем в сладость бысть видение лица твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явился. Егда же призвал тя Бог от земных трудов к Небесному упокоению, николиже любви твоя преста от нас, и невозможно есть исчислити чудеса твоя, умножившаяся яко звезды небесны: се бо по всем концем земли наша людем Божиим являешия и даруеши им исцеления. Темже и мы вопием ти: о претихий и краткий угодник Божий, дерзновенный к Немю молитвенник, николиже призывающий тя отрваяй! Вознеси о нас благомощную твою молитву ко Господу Сил, да дарует нам вся благопотребная в жизни сей, и вся к душевному спасению полезная, да оградит нас от падений греховных, и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков. **Аминь.**

**Величание**

Ублажаем тя, / преподобне отче наш Серафиме, / и чтим святую память твою, / наставник монахов, // и собеседник Ангелов.

## Преподобному Сергию Радонежскому

5/18 июля и 25 сентября / 8 октября.

## Тропарь, глас 4-й

Иже добродетелей подвижник, / яко истинный воин Христа Бóга, / на страсти вельми подвизался еси в жизни временней, / в пениих, бдениих же, и пощениих образ быв твоим учеником: / темже и вселися в тя Пресвятый Дух, / Егóже действием светло украшен еси; / но яко имея дерзновение ко Святей Троице, / поминай стадо, еже собрал еси, мудре, / и не забуди, якоже обещался еси, / посещая чад твоих, // Сèргие, преподобне отче наш.

## Кондак, глас 8-й

Христовою любовью уязвився, преподобне, / и Тому невозвратным желанием последовав, / всякое наслаждение плотское возненавидел еси, / и яко солнце, Отечеству твоему возсиял еси: / тем и Христос даром чудес обогатил тя. / Поминай нас, чтущих пресветлую память твою, / да зовем ти: // радуйся, Сèргие богомудре.

## Молитва

О священная главó, преподобне и богонóсне отче наш Сèргие, молитвою твоёю, и верою, и любовью яже к Бóгу, и чистотою сердца, ещё на земли во обитель Пресвятыя Троицы душу твою устроивый, и ангельскаго общения, и Пресвятыя Богородицы посещения сподобивыйся, и дар чудодéйственных благодати приемый, по отшествии же твоём от земных наипаче к Бóгу приближивыйся, и Небесныя силы приобщивыйся, но и от нас духом любви твоея не отступивый, и честныя твоя мóщи яко сосóд благодати полный и преизливающийся нам оставивый! Велие имея дерзновение ко Всемилостивому Владыце, моли спасти рабы Егó, сущей в тебе благодати Егó верующия, и к тебе с любовью притекающия. Испроси нам от Великодаровитаго Бóга нашего всякий дар, всем и коемуждо благопотребен, веры непорочны соблюдение, градов наших утверждение, мира умирение, от гáда и пагубы избавление, от нашествия иноплемённых сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в дéлах благих преспеяние и благословение, младенцем воспитание, юным наставление, неведущим вразумление, сиротам и вдовицам заступление, отходящим от сего временнаго жития к вéчному благое уготовление и напóутствие, отшедшим блаженное упокоение, и вся ны споспешествующими твоими мо-

лѣтвами сподѣби в день Страшнаго Суда щѣиѣ части избѣвитися, деснѣѣ же странѣ общники бѣти, и блаженнѣѣ онѣѣ глас Владѣѣки Христа услышати: приидѣте, благословеннѣѣ Отца Моего, наследуйте уготованное вам Царствие от сложенѣѣ мѣра. **Аминь.**

**Величание**

**У**блажаем тя, / преподобне отче наш Сергие, / и чтим святую память твою, / наставниче монахов, // и собеседниче Ангелов.